

Yashil iste’mol krediti shartnomasining UMUMIY SHARTLARI

(keyingi o‘rinlarda “umumiy shartlar/shartnoma” deb yuritiladi)

1. Shartnoma predmeti

1.1. Mazkur shartnomaga muvofiq Bank Kredit oluvchiga mazkur shartnomada ko‘rsatib o‘tilgan miqdorda va shartlarda yashil iste’mol tovarlari sotib olish uchun kredit berish, Kredit oluvchi esa olingan pul mablag‘lariga iste’mol tovarlari sotib olish, belgilangan muddatda Bankka kredit va unga hisoblangan foizlarni qaytarish majburiyatini oladi.

1.2. Kredit mazkur shartnomani ilovasi hisoblangan Alohida shartlarda beriladi.

2. Shartnoma bahosi va hisob-kitob qilish tartibi

2.1. Kreditdan foydalanganlik uchun foizlar ushbu shartnomada belgilangan nominal stavkada kredit qoldig‘iga nisbatan kunlik hisoblab boriladi.

2.2. Kreditning maqsadi va obyekti – kredit xisobiga sotib olinayotgan O‘zbekistonda ishlab chiqarilgan iste’mol tovarlarini sotib olish hisoblanadi.

2.3. Kredit va foizlarni qaytarish Alohida shartlarning ajralmas qismi bo‘lgan qaytarish jadvali asosida amalga oshiriladi.

2.4. Kredit mablag‘ini berish Kredit oluvchining ssuda hisob raqamidan iste’mol tovarlari (xizmatlar, ishlar)ni realizatsiya qiluvchi korxonaning hisob raqamiga pul o‘tkazish yo‘li bilan amalga oshiriladi.

2.5. Kredit va unga hisoblangan foiz(jarima,penya)larni qaytarish Kredit oluvchi/Kafilning istagiga ko‘ra, bankning avtoto‘lov xizmati, bank kartasi, naqd pul, pul o‘tkazish yo‘li bilan va qonunchilik hujjatlariga zid kelmaydigan boshqa to‘lov usullari bilan amalga oshiriladi. Bunda, kelib tushgan mablag‘lar agar mablag‘ kredit qarzdorligini qaytarish grafigi bo‘yicha muddati o‘tgan qarzdorlikni (tani, fozi) qoplash uchun yetarli bo‘lsa birinchi navbatda neustoyka, muddati o‘tgan kredit foizi, muddati o‘tgan kredit tani, muddatli kredit foizi so‘ngra muddatli kredit tanini so‘ndirishga yo‘naltiriladi. Agar pul mablag‘i yetarli bo‘lmasa qonunchilikda belgilangan tartibda.

2.6. Agar amalga oshirilgan to‘lov summasi kredit oluvchiga ajratilgan kredit bo‘yicha majburiyatlarni bajarish uchun yetarli bo‘lmasa, kredit oluvchining krediti quyidagi navbatda qoplanadi:

a) asosiy qarz bo‘yicha muddati o‘tgan qarzdorlik va muddati o‘tgan foiz to‘lovlari mutanosib ravishda;

b) joriy davr uchun hisoblangan foizlar va joriy davr uchun asosiy qarz bo‘yicha qarzdorlik;

c) neustoyka(jarima, penya);

d) kreditorning qarzdorlikni uzish bilan bog‘liq bo‘lgan boshqa xarajatlari.

2.7. Haftaning juma kuni hisoblab yoziladigan foizni hisoblashda uch kun — juma, shanba va yakshanba kunlari uchun foizlar hisobga olinadi. Agar joriy oy juma yoki shanba kunida tugaydigan bo‘lsa, unda foizlarni hisoblab yozish tegishli bir kun yoki ikki kun uchun amalga oshiriladi. Hafta oxirida qoladigan kun (kunlar) uchun foizlar keyingi oyning birinchi ish kunida hisoblab yoziladi. Bayram kunlariga nisbatan ham xuddi shunday jarayon qo‘llaniladi.

2. Tomonlarning majburiyatlari.

3.1. Kredit oluvchi(BKO)ning majburiyatlari:

3.1.1. Kredit va unga hisoblangan foizlarni Alohida shartlarning ajralmas qismi hisoblangan qaytarish jadvalida belgilangan muddatlarda, to‘liq to‘lash;

3.1.2. Kreditlashning muddatlilik, to‘lovlilik va ta’minlanganlik tamoyillariga rioya qilish;

3.1.3. Kredit oluvchi tomonidan bankga ma’lum qilgan yoki bank tomonidan keyinchalik aniqlangan, yashash, ro‘yxatdan o‘tgan manzillariga har qanday xabarlarini pochta aloqa tarmoqlari orqali yoki bank vakillari tomonidan shaxsan kredit oluvchiga, oila a‘zolari yoki shu manzilda yashovchi shaxslarga qog‘oz shaklida yuborilishi va taqdim qilinishiga hamda qarz oluvchi tomonidan bankka ma’lum qilgan yoki bank tomonidan keyinchalik aniqlangan kredit oluvchining

telefon raqamlariga SMS xabarlarini kredit oluvchining shaxsga doir ma’lumotlarini ochiqqlagan holda yuborishga o’z roziligini bildiradi;

3.1.4. Kredit oluvchi o’zining (BKOning) ish joyi, yashash joyi, familiyasi, ismi, taqdim qilgan yoki boshqa telefon raqamlari, elektron pochta manzili, ijtimoiy tarmoqdagi manzillari o’zgarganda yoxud mazkur shartnomada belgilangan majburiyatlarini bajarilishiga salbiy ta’sir ko’rsatadigan boshqa holatlar to’g’risida yozma shaklda va o’zi uchun maqbul bo’lgan aloqa kanallari orqali 5 (besh) kun ichida Bankka xabar berish majburiyatini oladi. Kredit oluvchi tomonidan ushbu majburiyatlarni bajarilmasligi oqibatida o’ziga yoki uchinchi shaxslarga yetkazilishi mumkin bo’lgan yoki yetkazilgan barcha moddiy va ma’naviy zararlar yoxud barcha salbiy holatlar yuzasidan shaxsan mas’ul va javobgar hisoblanadi;

3.1.5. Garov mulkiga shikast yetkazilgan, yaroqsiz holga kelgan, yo’qolganida zudlik bilan bankka xabar berish va garov mulkini o’n kun ichida likvidli boshqa mulkka almashtirish;

3.1.6. Kreditni qaytarish jadvaliga nisbatan ortiqcha to’langan mablag’ kelgusi davrlarda so’ndirilishi rejalashtirilgan bo’lsa, u holda to’lovni amalga oshirishdan 3(uch) kun oldin Bankka bu haqida yozma murojaat qilish;

3.1.7. Kredit ta’minoti qo’yilgan mol-mulk/kafillik bo’yicha belgilangan tartibda, 3 (uch) bank ish kuni ichida garov predmetini yo’qolish va shikastlanish tavakkalchiliklaridan sug’urtalash, kredit ta’minoti sifatida garovga qo’yish, garovni/kafillik rasmiylashtirish chiqimlarini to’lash;

3.1.8. Shaxsiy (BKO ham) bank kartasini bankning “Avto-to’lov” xizmatiga ulash;

3.1.9. Kredit hisobiga iste’mol tovarlari sotib olingan sanadan 3 ish kuni ichida, lekin kredit mablag’lari iste’mol tovarlari sotuvchi tashkilotning hisobvarag’iga o’tkazib berilganidan keyin uzog’i bilan bir oylik muddatdan kechiktirmay, buni tasdiqlovchi hujjatlar (hisobvaraq-faktura, yuk xati va boshqalar)ni Bankka taqdim qilish;

3.1.10. Bankning rozilgisiz kredit hisobiga sotib olingan tovarlarni tasarruf etmaslik (sotish, xadya qilish, tekin foydalanishga, ijaraga berish va hokazolar).

3.1.11. Energiya samaradorligi milliy agentligi talabiga ko’ra hujjatlarni taqdim etishga rozilik berish;

3.1.12. O’zbekiston Respublikasi qonunchilik hujjatlariga yoki vakolatli organlarning (shu jumladan, O’zbekiston Respublikasi Markaziy banki, lekin u bilan cheklanmagan holda) ichki qoidalariga muvofiq kredit bitimlarini tuzish, kredit olish, kafil yoki birgalikda qarz oluvchi sifatida ishtirok etish taqiqlangan shaxslar reestrda (ro’yxatida) turmaslik;

3.1.13. Ushbu shartnoma va qonunchilik hujjatlaridagi boshqa majburiyatlar.

3.2. Bankning majburiyatlari:

3.2.1. Kredit oluvchining huquq va majburiyatlari to’g’risida, shu jumladan kredit berish bilan bog’liq barcha xarajatlar haqida kredit oluvchiga ishonchli hamda to’liq axborotni taqdim qilish;

3.2.2. Shartnomaning ta’minotga oid shartlari bajarilgach, garov ta’minoti bo’yicha talab etilgan hujjatlar bankka taqdim etganidan so’ng uch ish kunida kredit berish;

3.2.3. Kredit oluvchiga ssuda hisob raqamlarini ochish;

3.2.4. Kredit oluvchini kreditni muddatidan ilgari undirish holati va sabablari haqida oldindan xabardor qilish;

3.2.5. Kredit oluvchining tegishli so’rovi bankda ro’yxatdan o’tkazilgan kundan boshlab besh ish kuni ichida kredit oluvchi tomonidan berilgan ariza va kredit oluvchiga kredit berilganligini tasdiqlovchi hujjatni hamda bir ish kuni ichida shartnoma bo’yicha kredit oluvchi majburiyatlari to’liq bajarilganligini tasdiqlovchi hujjat taqdim etish;

3.2.6. Shartnoma bo’yicha kredit oluvchidan majburiyatlari bajarilmasligi sabablari, holati, muddati, summasi haqida so’rash, shuningdek majburiyatlar buzilgani uchun neustoyka (jarima, penya) qo’llanishi natijasida xarajatlar ortishi ehtimoli haqida ogohlantirish;

3.2.7. Shartnoma bo’yicha muddati o’tkazib yuborilgan qarzdorlik yuzaga kelganda, kredit oluvchi bilan har qanday aloqa bog’lash usullaridan, shu jumladan elektron aloqa vositalaridan yoki boshqa usullardan foydalanib, kredit oluvchiga muddati o’tkazib yuborilgan qarzdorlik yuzaga kelganligi haqida xabar berish;

3.2.8. Ushbu shartnoma amal qilish davrida kredit oluvchining so’rovi olinganidan so’ng bir ish kuni ichida unga quyidagi axborotlarni yozma shaklda oyda bir marta bepul taqdim etish: kreditlash limiti, kredit bo’yicha to’langan pul mablag’lari summasi, asosiy summa bo’yicha qarz qoldig’i, navbatdagi to’lovlarning miqdori, tarkibi va muddatlari (to’lovlar jadvali), kreditni muddatidan oldin qisman yoki to’liq so’ndirish istagi bildirilgan taqdirda to’lash lozim bo’lgan summalar miqdori, muddati o’tkazib yuborilgan qarzdorlik miqdori va tarkibi, kelib tushayotgan pul mablag’lari kredit bo’yicha qarzni so’ndirishga yo’naltirilishi haqida axborotlar;

3.2.9. Kredit oluvchi shartnoma bo’yicha barcha to’lov majburiyatini to’liq bajargan sanadan boshlab uch ish kunidan kechiktirmagan holda mazkur kredit bo’yicha garov mulkini taqiqdand chiqarish hamda garov mulkiga nisbatan bankning huquqlari to’g’risidagi yozuvni garov reestrindan o’chirish;

3.2.10. Shartnomada nazarda tutilgan kreditni berishdan butunlay yoki qisman bosh tortgan taqdirda, bu haqda tegishli qaror qabul qilingan sananing ertasindan kechikmasdan Kredit oluvchiga yozma xabarnoma yuborish;

3.2.11. Mazkur shartnomaning 3.1.6- bandiga muvofiq kredit oluvchining arizasi mavjud bo’lmagan holda, kreditning joriy to’lovi uchun kreditni qaytarish jadvalida belgilangan summaga nisbatan ko’p mablag’ kelib tushgan taqdirda, ushbu mablag’ning ortiqcha qismini kreditning asosiy qarzini so’ndirishga yo’naltirish xamda kelgusi ish kunidan qoldiq summaga nisbatan foiz hisoblash;

3.2.12. Kredit shartnomasida ko’rsatib o’tilgan foiz stavkasi o’zgarganda yoki mazkur shartnomaning 3.2.11.-bandida belgilangan vaziyat yuz bergan taqdirda, kreditni qaytarish jadvalini yangidan rasmiylashtirish va kredit oluvchiga taqdim etish. Bunda, shartnomaning ajralmas qismi hisoblangan qaytarish jadvali kuchini yo’qotadi va taraflar uchun yangi qaytarish jadvali majburiy hisoblanadi;

3.2.13. Ushbu shartnoma va qonunchilik hujjatlaridagi boshqa majburiyatlar.

3. Tomonlarning huquqlari

4.1. Kredit oluvchining huquqlari:

4.1.1. O’z huquq va majburiyatlari to’g’risida, shu jumladan transport krediti berish bilan bog’liq barcha xarajatlar haqida ishonchli hamda to’liq axborot olish;

4.1.2. Kredit shartnoma tuzilgandan keyin va bank tomonidan kredit mablag’lari ajratilgunga qadar bo’lgan davrda kredit olishdan bepul asosda voz kechish, Bunda, voz kechish kunigacha qilingan xarajatlar Kredit oluvchi/BKO zimmasida qoladi;

4.1.3. Jarima sanksiyalarini undirmagan holda istalgan vaqtda kreditni muddatidan oldin so’ndirish. Bunda, kredit uchun foizlar kredit to’liq qaytarilgan kungacha qadar hisoblanadi;

4.1.4. Kredit ajratish va hisob-kitoblar bo’yicha amaldagi qonunchilik hujjatlari va Bankning ichki qoidalaridagi o’zgarishlar haqida Bankdan ma’lumot olish;

4.1.5. Bankdan majburiyatlarning o’z vaqtida va lozim darajada bajarilishini talab qilish, majburiyatlarning bajarilmaganligi yoki lozim darajada bajarilmaganligi natijasida yetkazilgan zararlarining o’rnini qoplashni talab qilish;

4.1.6. Olingan kredit to’lovlarini masofaviy bank xizmatlaridan foydalangan holda amalga oshirish;

4.1.7. Kreditni qaytarish turini (differensial va annuitet), shuningdek sug’urta yoki baholash xizmatlarini mustaqil tanlash;

4.1.8. Qarz oluvchida og’ir hayotiy vaziyatlar, moliyaviy qiyinchiliklar yoki yengib bo’lmaydigan kuch (fors-major) holatlari yuzaga kelgan taqdirda, Qarz oluvchi Bankka ushbu Shartnoma shartlariga o’zgartirish va qo’shimchalar (restrukturizatsiya) kiritish imkoniyatini ko’rib chiqish to’g’risida ariza bilan murojaat qilish. Bunda yuborilgan murojaat Bankning ichki qoidalarida belgilangan tartibda ko’rib chiqiladi va amalga oshiriladi;

4.1.9. Homiladorlik va tug’ish ta’tilida bo’lgan Qarz oluvchilar Bank tomonidan belgilangan tartibda amaldagi kredit majburiyatlarini to’lash muddatini o’n oygacha uzaytirish to’g’risidagi ariza bilan Bankka murojaat qilish. Bu vaziyatlarda arizalar Bankning ichki qoidalarida belgilangan tartibda ko’rib chiqiladi ;

4.1.10. Ushbu shartnoma va qonunchilik hujjatlaridagi boshqa huquqlar.

4.2. Bankning huquqlari:

4.2.1. Kredit oluvchi shartnoma tuzilgan kundan e’tiboran bir oy ichida kreditdan foydalanmagan taqdirda, shartnomani bekor qilish haqida ikkinchi tarafni yozma ravishda xabardor etish orqali shartnomani bir tomonlama tartibda bekor qilish;

4.2.2. Kredit berish va shartnoma bo’yicha majburiyatlarni o’z vaqtida va lozim darajada bajarishni talab qilish, zarur hujjatlarni, shu jumladan, kredit hisobiga iste’mol tovarlari sotib olinganligini tasdiqlovchi hujjatlarni Kredit oluvchidan so’rab olish;

4.2.3. Taqdim etilgan hujjatlarning haqiqiylikiga shubha tug’ilganida, monitoring o’tkazish maqsadida, shuningdek muddati o’tgan qarzдорliklar yuzaga kelgan taqdirda, Kredit oluvchi/Kafillarga qo’ng’iroq qilish yoki yozma murojaat berish;

4.2.4. O’zaro muzokaralarni (bayonnoma shaklida, telefon qo’ng’iroqlari, audio, video va boshqa istalgan usullarda) yozib olish, shuningdek ko’rsatiladigan xizmatlar sifatini oshirish hamda murojaatni tasdiqlash uchun ushbu dalilni ishlatish;

4.2.5. Kredit shartnomasi bo’yicha Kredit oluvchining majburiyatlari bajarilmagan yoki lozim darajada bajarilmagan taqdirda, har qanday qonuniy choralarni ko’rishga, shu jumladan Kredit oluvchining har qanday mol-mulki va mulkiy huquqlaridan majburiy ravishda undirib olish;

4.2.6. Kredit oluvchining joriy yoki muddati o’tgan majburiyatlari (qarzlari)ni so’ndirish maqsadida, mablag’larni quyidagi usullar yordamida hisobdan chiqarish:

a) Kredit oluvchining har qanday banklarda va boshqa moliya muassasalaridagi hisobvaraqlariga akseptsiz to’lov talablarini qo’yish;

b) Kredit oluvchining Bankdagi bank hisobvaraqlarini to’g’ridan-to’g’ri debetlash yo’li bilan.

4.2.7. Ushbu shartnoma va qonunchilik hujjatlaridagi boshqa huquqlar;

4.2.8. Kelishuv shartlarini bajarilishini nazorat qilish uchun Tijorat bankidan zarur ma’lumotlarni talab qilish va Tijorat bankining ko’rsatmalariga asosan Tijorat banki tarmoqlari bilan birgalikda Energiya samaradorligi milliy agentlikning vakillari bilan kredit mablag’lari ajratilgan sanadan boshlab 3 oy ichida tanlov asosida joyiga chiqqan holda mablag’larning maqsadli ishlatilishini tekshirish imkoniyatini yaratib berish;

4.2.9. Mablag’lar maqsadsiz ishlatilganligi aniqlangan taqdirda Kredit oluvchidan maqsadsiz ishlatilgan mablag’lar qismini qaytarishni talab etish;

4.2.10. Energiya samaradorligi milliy agentlikning vakillariga kredit yig’ma jildi bilan tanishish va ob’ektni joyiga chiqqan holda o’rganish imkoniyatini yaratib berish;

4.2.11. Kredit oluvchi (BKO) tomonidan yolg’on tasdiqlar va kafolatlar berilganligi, ko’rsatilgan reestrda (ro’yxatda) bo’lganligi haqidagi ma’lumot yashirilganligi yoki ushbu Shartnoma tuzilgan paytda (ya’ni, Bank tomonidan dastlabki tekshiruvlar o’tkazilgandan so’ng, lekin Shartnoma imzolanganiga qadar) shunday reestrda (ro’yxatga) kiritilganligi asosi bilan aniqlangan taqdirda Bank tomonidan shartnoma muddatidan oldin bekor qilish va jarima sanksiyalarini qo’llash;

4.2.12. Kredit ajratish kunida Kredit oluvchining ASOKIsini olgan holda qarz yukini qayta hisob-kitob qilish, hisob-kitob natijasiga asosan Kredit oluvchi to’lov qobiliyati yetarli emas deb topilsa kredit ajratishni rad etish yoki kredit miqdorini kamaytirish;

4.2.13. Garov shartnomasiga asosan garov obyektga taqiq qo’yish hamda qo’yilgan taqiqlarni bekor qilish uchun kredit oluvchidan bank tarif(Bosh tarif)larigagi miqdorda xizmat haqi undirish;

4.2.14. Shartnoma shartlaridan biri bajarilmaganligi va hujjatlar taqdim etilmaganligi oqibatida shartnoma bekor bo’lgan holda kreditdan foydalanganlik uchun hisoblangan foizlar, kredit mablag’larini akkreditiv hisobvaraqa o’tkazish paytidan boshlab bitim bekor bo’lgan paytga qadar Kredit oluvchidan undirish;

4.2.15. Ushbu shartnoma va qonunchilik hujjatlaridagi boshqa huquqlar.

4. Tomonlarning javobgarligi.

5.1. Kredit oluvchining javobgarligi:

5.1.1. Asosiy qarzni qaytarish muddati kechiktirilganda, Bankka butun kechiktirilgan muddat davomida kechiktirilgan to’lovlar uchun shartnomaning 2.2-bandida belgilangan foiz stavkasining 1,5 baravari miqdorida oshirilgan foiz to’laydi.

5.1.2. Mazkur shartnomaning 3.1.6-bandida ko’rsatilgan majburiyatlarni bajarmasa, har bir kechikkan kun uchun ajratilgan kreditning 0.1 foizi miqdorida Bankka penya to’laydi.

5.2. Bankning javobgarligi:

5.2.1. Kredit mablag’larini berish majburiyatini bajarmaganida yoki o’z vaqtida bajarmaganida Kredit oluvchiga kechiktirilgan to’lovning har bir kuni uchun kechiktirilgan to’lov summasining 0,1 foizi miqdorida penya to’laydi.

5.2.2. Shartnoma bo’yicha hisoblangan penya va jarimalarni to’lash/yoki ixtiyoriy to’lash, taraflarni shartnomada ko’rsatilgan o’z majburiyatlarini bajarishdan ozod qilmaydi. Shuningdek, ikkinchi tarafni majburiyatlar bajarilmaganligi sababli tegishli choralar qo’llash huquqidan mahrum qilmaydi.

5.2.3. Qarzdorlik bo’yicha hisoblangan foizlar va neustoykalarining eng ko’p summasi qonunchilik hujjatlarida belgilangan miqdordan oshib ketmasligi lozim.

5. Shartnomani bekor qilish asoslar.

6.1. Kredit oluvchi(Kafil)ni Bank qarz ajratishdan avval mavjud bank kartalarini “Avto-to’lov” xizmatiga ulashdan bosh tortganda;

6.2. Kredit oluvchi tomonidan mazkur shartnomaning 3.1.7-bandi va 3.1.12-bandi ijrosi ta’minlamagan taqdirda, bank mazkur shartnomani bekor qilishga va kredit berishni rad etishga haqli.

7. Kredit ta’minoti.

7.1. Mazkur shartnoma asosida ajratilgan kreditning qaytarilishi uchun asosiy ta’minot **Alohida shartlarda ko’rsatilgan ta’minot** hisoblanadi.

7.2. Kredit garov bilan ta’minlangan taqdirda, garov mulki sug’urtalanib, sug’urta shartnomasi va sug’urta polisi bankka Kredit oluvchi tomonidan taqdim etiladi. Bunda, garov mulki hisoblangan ko’chmas mulk va transport vositalari notarial garov shartnomasi asosida gvroaga olinadi. Garov mulki bo’yicha garov reestriga yozuvlar kiritiladi va garov mulkiga nisbatan taqiq qo’yiladi. Bunda barcha xarajatlar kredit oluvchi hisobidan amalga oshiriladi.

8. Shartnomaning amal qilish muddati, shartnomani o’zgartirish va bekor qilish tartibi hamda boshqa shartlar.

8.1. Shartnoma taraflar imzolagan kundan e’tiboran kuchga kiradi va taraflar o’z majburiyatlarini to’liq bajargunlariga qadar amalda bo’ladi.

8.2. Ushbu shartnomaning shartlarini o’zgartirish yoki uni bekor qilish qo’shimcha kelishuv tuzish orqali amalga oshiriladi. Mazkur shartnomaga kiritiladigan har qanday o’zgartirish va qo’shimchalar yozma ravishda tuzilib, taraflarning vakolatli vakillari imzolaganidan so’ng haqiqiy hisoblanadi. Barcha o’zgartirish, qo’shimchalar va ilovalar mazkur shartnomaning ajralmas qismi bo’lib hisoblanadi.

8.3. Quyidagi asoslar yuzaga kelganida, Bank mazkur shartnomani muddatidan oldin bekor qilish va undiruvni garovdagi yoki boshqa likvidli mol-mulklarga qaratishi mumkin:

a) Kredit oluvchi tomonidan shartnoma tuzishda yoki kredit operatsiyalarini bajarish vaqtida Bankka noto’g’ri ma’lumotlar taqdim etish faktlari aniqlanganda;

b) Kredit oluvchining psixo-nevrologik dispanserlariga, psixiatrik klinikalarga, giyohvandlik va alkogolizmdan davolanish klinikalariga joylashtirilishi to’g’risida ma’lumot olingan taqdirda;

c) kreditni qaytarish jadvalini kamida uch va undan ortiq marotaba buzgan taqdirda;

d) kredit va unga hisoblangan foizlarni kreditni qaytarish jadvalida belgilangan muddatdan 30 kun va undan ortiq muddatga sababsiz kechiktirilganida;

e) garov mulki o’z muddatida sug’urtalanib, garovga taqdim etilmaganida;

f) Kredit oluvchi garovda bo’lgan mulkni monitoring qilinishiga to’sqinlik qilganida, uni yashirganida, bankka taqdim qilmaganida.

g) Mazkur shartnomaning 3.1.8.-bandida ko’rsatilgan majburiyatlar bajarilmaganida;

h) Bank tomonidan yuqoridagi asoslarga ko’ra, kreditni muddatidan oldin to’liq qaytarish talabi asosida undiruvni qarzdor xisobidan va kredit ta’minotiga qaratish yuzasidan tegishli sudga ariza/da’vo ariza bilan murojaat qilingan hollarda, sud muhokamalariga qadar yoki sud muhokamalari

jarayonida qarzdor tomonidan muddati o’tgan kredit qarzni to’lab qo’yishligi da’vogar (bank) tomonidan da’voni qaytarib olishga yoki da’vordan voz kechishga asos bo’lmaydi;

i) Qonunchilikda belgilangan boshqa asoslarga ko’ra.

9. Maxfiylik

9.1. Mazkur shartnomani tuzish va bajarish vaqtida taraflar bir-biridan olgan barcha ma’lumotlar maxfiy axborotlar deb tan olinadi;

9.2. Shartnomani tuzish va shartnomadan kelib chiqadigan majburiyatlarni bajarish chog’ida boshqa tarafning tijorat siri hisoblangan maxfiy axborotlar va ma’lumotlarni axborot egasining yozma rozilgisiz oshkor qilmaslik majburiyatini oladi. Mazkur talab shartnomaning amal qilish muddatiga hamda shartnoma muddati tugagan vaqtdan boshlab 3 yil mobaynida amal qiladi;

9.3. Ushbu talablarni buzgan taraf buning oqibatida ikkinchi tarafga yetkazilgan barcha zararni to’liq hajmda qoplaydi;

9.4. Tomonlar boshqa tomondan olingan va (yoki) ushbu shartnoma bilan bog’liq bo’lgan bank, tijorat va boshqa ma’lumotlarning maxfiyligini ta’minlashga majbur. Bunday ma’lumotlar faqat O’zbekiston Respublikasi qonun hujjatlarida bevosita nazarda tutilgan hollarda yoki boshqa tomonning yozma roziligi bilan uchinchi shaxslarga berilishi (e’lon qilinishi yoki oshkor qilinishi va hokazo) mumkin.

10. Alohida shartlar, kafolatlar va bildirishlar

10.1. Mazkur shartnomani imzolash bilan Kredit oluvchi Bankka uning shaxsiy ma’lumotlarini yig’ish, qayta ishlash, saqlash va undan foydalanishga quyidagi hollarda rozilik beradi:

Kredit oluvchi manfaatdor bo’lgan shartnomalarni tuzishda va ijrosini ta’minlashda;

Kredit oluvchining shartnomada belgilangan huquqlari va majburiyatlarining bajarilishini ta’minlashda, ularning bajarilishini talab qilish va qarzdorlikni undirishda;

ma’lumotlarni tekshirish, shu jumladan firibgarlik holatlarini oldini olish maqsadida;

shartnomaning ijrosini ta’minlash bilan bog’liq ma’lumotlarni Kredit oluvchiga/Kafilga yetkazishda.

10.2. Ushbu bilan Kredit oluvchi to’lov jadvali asosida kredit to’lovi bo’yicha telefon qo’ng’iroqlari qilinishiga, SMS-xabarnomalarni uyali telefon raqamlariga, shuningdek Kredit oluvchi tomonidan taqdim etilgan boshqa yashash manzillarga (rekvizitlarga), barcha aloqa vositalaridan foydalangan holda yuborilishiga rozilik beradi.

10.3. Bank tomonidan yuborilgan SMS xabarnomalar, qilingan qo’ng’iroqlar, yuborilgan ogoxlantirish xatlari va boshqalar qarzni qaytarishning zarur choralari bo’lib, sud va boshqa organlarda dalil bo’lib xizmat qiladi.

10.4. Mijozga bank xizmatini taklif qilish maqsadida ushbu shartnomaning amal qilish muddati davomida, shuningdek shartnoma muddati tugagandan so’ng 3 yil mobaynida mijozning har qanday manbalardagi ma’lumotini olib qayta ishlagan holda taxlil o’tkazishga mijoz o’z roziligini beradi.

11. Fors-major holatlari

11.1. Yengib bo’lmaydigan kuchlar (fors-major) holatlari - bu taraflarning irodasi, xohishiga bog’liq bo’lmagan tabiat hodisalari (zilzila, ko’chki, bo’ron va hokazo), ijtimoiy-iqtisodiy holatlar (urush holati, qamal, davlat manfaatlarini ko’zlab import va eksportni taqiqlash va boshqalar), xalqaro, banklararo va Bankning elektron to’lov hamda ta’minot tizimidagi nosozlik, Bankning dasturiy ta’minot tizimiga qilingan tahdid (xujumlar) sababli yuzaga kelgan sharoitlarda taraflarga majburiyatlarni bajarish imkonini bermaydigan favqulodda, oldini olib bo’lmaydigan va kutilmagan holatlardir.

11.2. Fors-major holatlari yuzaga kelgan vaqtda taraflar ushbu holatlar bartaraf etilguniga qadar shartnomaviy majburiyatlarini bajarishdan ozod bo’ladi. Fors-major holati 90 kun mobaynida bartaraf etilmagan taqdirda shartnoma bekor qilinishi mumkin.

11.3. Fors-major holatlari boshlanganligi yoki yakunlanganligi haqida bir taraf ikkinchi tarafni 3 ish kuni ichida bu haqda yozma ravishda xabardor qilishi shart. Xabarnomalar barcha aloqa vositalari orqali yuborilishi mumkin.

12. Korrupsiyaga qarshi kurashish.

12.1. Taraflar, ularning affillangan shaxslari, xodimlari yoki boshqa ishtirokchilari ushbu shartnoma shartlarini bajarishda ikkinchi tarafning qaror qabul qilishiga ta'sir o'tkazishi uchun bevosita yoki bilvosita pul mablag'lari, qimmatliklar xizmatlar taklif qilishi, berishi, taqdim etishi taqiqlanadi. Ana shunday taklif bildirilganida, ikkinchi taraf, ularning affillangan shaxslari, xodimlari yoki boshqa ishtirokchilari bunday takliflarni rad qilishi shart.

12.2. Agar shartnoma ishtirokchilaridan birida ushbu shartnoma shartlarini bajarish bilan bog'liq korrupsion harakat sodir etilganligi to'g'risida ma'lumot, shubha, dalilga ega bo'lsa, bu to'g'risida ikkinchi tarafga yozma shaklda xabar berish majburiyatini oladi.

12.3. Xabarni olgan taraf haqiqatda korrupsion harakat sodir etilmaganligini yoki sodir etilmasligi to'g'risida tasdiqqa ega bo'lgunicha ushbu shartnoma bo'yicha o'z majburiyatlarini bajarishni to'xtatib turish huquqiga ega.

12.4. Pora evaziga ikkinchi taraf vakilini, affillangan shaxsini, xodimini yoki shartnomaning boshqa ishtirokchilarini shartnoma shartlarini bajarishda o'ziga og'dirib olgan taraf ikkinchi tarafga yetkazilgan zararlarni qoplab berish majburiyatini oladi.

13. Nizolarni hal etish tartibi va boshqa nizolar.

13.1. Taraflar mazkur shartnomani bajarish vaqtida yuzaga kelgan kelishmovchilik yoki nizolarni muzokara yo'li bilan hal etadilar. O'zaro kelishuv imkoniyati bo'lmaganda, huquqi buzilgan taraf yuborgan talabnoma yoki ogohlantirish xatiga ikkinchi taraf mazkur hujjatda ko'rsatilgan muddat ichida javob berishi lozim. Talabnoma yoki ogohlantirish xati tarafga shaxsan topshirilishi, elektron pochta manziliga yoki pochta aloqa xizmati orqali yuborilishi mumkin.

13.2. Barcha nizolar bank tarmog'i joylashgan hududdagi sudda hal etiladi.

13.3. Mazkur shartnoma va uning ilovasi bir xil yuridik kuchga ega bo'lgan ikki nusxada tuzilib, shartnomaning bir nusxasi Bankda, ikkinchi nusxasi Kredit oluvchida saqlanadi.

14. Yakuniy qoidalar

14.1. Kredit ajratishning ushbu umumiy shartlari hamda kredit ajratishning alohida shartlari (kreditning umumiy va alohida shartlari) bilan birga yagona kredit shartnoma hisoblanadi. Kredit ajratishning alohida shartlari taraflar tomonidan imzolanganidagina umumiy shartlar + alohida shartlar bo'yicha huquq va majburiyatlar vujudga keladi. Shu bilan birga yagona kredit shartnomasi bilan tartibga solinmagan munosabatlar amaldagi qonunchilik asosida tartibga solinadi.

14.2. Kredit ajratish to'g'risida ijobiy qaror qabul qilingandan so'ng, biroq kredit shartnomasi rasmiylashtirilishidan oldin, Kredit oluvchiga kredit majburiyatlari bilan bog'liq ehtimoliy tavakkalchiliklar to'g'risidagi mazkur shartnoma ilovasida keltirilgan shakldagi cheklistni taqdim etiladi.

14.3. Ushbu shartnoma faqat Qarz oluvchi ehtimoliy tavakkalchiliklarning nazorat ro'yxatidagi barcha bandlar bilan tanishganligini tasdiqlaganidan keyin tuzilgan hisoblanadi va kuchga kiradi.

14.4. Ushbu Shartnoma bo'yicha qarzдорlikni undirish davlat tomonidan fuqarolarga ajratiladigan ijtimoiy nafaqa va yordam mablag'lari, shu jumladan ijtimoiy karta hisobvarag'iga kelib tushadigan mablag'lar hisobidan amalga oshirilishi mumkin emas, qonunchilikda to'g'ridan-to'g'ri nazarda tutilgan hollar bundan mustasno.

14.5. Mazkur shartnoma rasmiylashtirilishi Qarz oluvchi ushbu Shartnoma shartlarini, uning barcha bo'limlari va ilovalari bilan to'liq tanishganligini tasdiqlaydi.

15. BANK MANZILI VA REKVIZITLARI

To'liq nomi: Chet el kapitali ishtirokidagi "Hamkorbank" aksiyadorlik tijorat banki.

Markaziy bankning 2021-yil 25-dekabrda 64-sonli litsenziyasi.

Yuridik manzil: 170119, Andijon shahar, Bobur shohko'chasi, 85-uy.

E-mail: @hamkorbank.uz Bank rekvizitlari:

STIR: 200242936

Telefonlar: 0 (800) 1 200 200; 1809 (pullik), +998 (78) 150 91 25

Kredit rasmiylashtirishdan oldin to’ldiriladigan

CHEKLIST

Kredit shartnomasini rasmiylashtirishdan avval, ushbu ro’yxatni diqqat bilan o’qib chiqing va har bir bandni tushunganingizni tasdiqlang. Bu sizni kelgusida kutilmagan moliyaviy qiyinchiliklardan saqlanishingiz uchun xizmat qilishi mumkin.

1.	Kredit — bu xarajat. <i>Kredit — bu men to’lashim shart bo’lgan moliyaviy majburiyatdir. Kreditning asosiy summasidan tashqari, kredit bo’yicha hisoblangan foizlarni, shuningdek, ehtimol, kredit bilan bog’liq boshqa xarajatlarni (sug’urta, kredit to’lovlarini amalga oshirish xarajatlari va boshqalar) ham to’lashimga to’g’ri keladi.</i>	
2.	Kreditni qaytarish jadvalini diqqat bilan o’rganib chiqdim. <i>Kreditni qaytarish jadvalidagi barcha sanalar va to’lov miqdorlari hamda ushbu to’lovlarni amalga oshirish usullari bilan tanishdim. Mazkur jadvalga muvofiq har oyda qachon va qancha miqdorda to’lovlar to’lashim kerakligini tushundim hamda ularni o’z vaqtida bajara olaman.</i>	
3.	Daromadlarim kredit to’lovlarini to’lash imkonini beradi. <i>Mazkur kreditni olishda men oylik daromadim va doimiy xarajatlarimni (boshqa kreditlarim, ijara, kommunal xizmatlar, transport va boshqa xarajatlarni), shuningdek kredit bo’yicha o’z majburiyatlarimni bajara olmasligimga olib kelishi mumkin bo’lgan yengib bo’lmas kuch ta’siridagi vaziyatlar (holatlar)ni yuz berishi ehtimolini (ishimni yo’qotish, ish haqi va boshqa daromadlarni kechikishi, sog’ligimning yomonlashishi) inobatga oldim.</i>	
4.	Kredit to’lovlarini kechiktirish oqibatlaridan xabardorman. <i>Kredit to’lovlarini o’z vaqtida amalga oshirmasam, bank tomonidan ushbu qarzdorlik bo’yicha tegishli jarima va penylar belgilanishini, shuningdek, agar kredit qarzdorligi sud orqali undirilsa, mazkur sud xarajatlarini ham to’lashim mumkinligini tushundim. Bundan tashqari, kredit tariximda majburiyatlar o’z vaqtida bajarilmagani to’g’risida ma’lumotlar aks ettirilishi, bu esa kelgusida moliyaviy tashkilotlardan kredit olish imkoniyatimni pasayishiga va/yoki noqulay shartlarda kredit olishimga sabab bo’lishi mumkinligini bilaman.</i>	
Imzo (qog’oz shaklda): Tasdiqlayman _____ Kredit oluvchi FISH (imzo)		
Elektron shaklda (onlayn): “Tasdiqlayman” tugmasi bosiladi.		
Sana: _____ (kun /oy /yil)		